

**Penjawat Awam Diingatkan Jangan Terlibat Demonstrasi Bebaskan Anwar 901
Bernama
4 Januari , 2012**

KUALA TERENGGANU, 4 Jan (Bernama) -- Menteri Besar Terengganu Datuk Seri Ahmad Said mengingatkan penjawat awam di negeri ini agar tidak melibatkan diri dengan demonstrasi Kempen "Bebaskan Anwar 901" yang akan diadakan di Kuala Lumpur pada Isnin ini.

Beliau berkata penjawat awam yang didapati terlibat dengan demonstrasi ini akan dikenakan tindakan disiplin.

Penganjur kempen ini merancang mengadakan demonstrasi pada hari Mahkamah Tinggi Kuala Lumpur memberikan keputusan mengenai perbicaraan kes liwat Ketua Pembangkang Datuk Seri Anwar Ibrahim Isnin ini.

Ahmad berkata demonstrasi yang dirancang penyokong Anwar, Parti Keadilan Rakyat (PKR) atau pakatan pembangkang itu, cuba menimbulkan huru-hara seolah-olah mereka tidak mempercayai proses perundangan dan keadilan melalui mahkamah.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=637921>